

मायंनि मुंदांखा अजा

अनलायनायखौ मोनफिनाय, मोजां मोन्नायजों जुलि जानाय, बिसि-फिसाइनि गेजेराव गोरोबलायै, साखिनि जेंना, गावस्त्रालायनाय, फिसा मोनै, सुथुरनिफ्राय जानगाराव थानाय, धोन/लटारि बायदि बायदि जेंनानिफ्राय रैखा मोन्नो एबा जानगारआव थानो थाखाय खेबसे फन खालामनानै सुबुरुन लादो। बयजोंबो मिथिजानाय राजमुहिनी ताबिज

जगाजग खालाम: 8812007693।

BODOSA ★ A Bodo News Daily ★ Monday ★ 17 March, 2025 Kokrajhar, BTC, Assam ★ Vol.-33, Issue No.345 ★ R.N.I.Regd.No.40994/91, Assam Govt.Regd.No.IPRD. 40/2006/3, ★ Rs.8/-

सानसेयारि

बड'सा

सानसेयारि "बड'सा" खौरालाइयाव ख्माजयारि जिउजों लोब्बा थानाय रायथाय, खन्थाय, खल', खल'बाथा आरो दावबायारि थावनि, पार्क बाइदिनि सायाव लिन्नाय लिन्बिदां हैथाय हर/ सानसेयारि "बड'सा" खौरालाइया खेबखानावै फोखावगेन।

बड'सायाव लिन्हरनायनि हुडा खालाम, "बड'सा" खौ नोथो, जों बयबो आंगो खालाम।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिसि-783370

Website: www.bodosanewspaper.com

एबसुनि 57 बोसोरसालिया जथुम्माया थुंगेबाय

15 एप्रिलनि गेजेराव कक्राझार मुलुग सोलौंसालिखौ आबुं महर होनाय जागोन: ड॰ हिमन्त बिश्व शर्मा

फैगौ दानसेनि गेजेरावनो एबसुनि गोदान आफादखौ दानाय जागोन: दिपेन बर'

कक्राझार, 16 मार्च: बड'फा उपेन्द्रनाथ ब्रह्मनि जोनोम जायगा कक्राझार दतमानि बड'फा फोथाराव थानाय 13 मार्चनिफ्राय सानब्रैनि गेदेर हाबाफारिजों खुंजानाय बर' हारिनि माहारियारि आफाद दुलाराइ बर' फरायसा आफाद सुद'यै एबसुनि 57थि बोसोरसालिया जथुम्माया दिने जाफुंसारे थुंगेबाय। जोबथा साननि हाबाफारि बादिदै दिने साननि 12:00 रिंगानिफ्राय एबसुनि आफादगिरि दिपेन बर'नि आफादगिरि मासि



खुंनयाव मोनसे गेवलां मेल खुं नाय जायो। बे गेवलां मेलआव हादतनि नख'र मन्थि अमित शाह, आसामनि गिबि मन्थि ड॰ हिमन्त बिश्व शर्माजों लोगोसे राज्ज्योनि माखासे राजखान्थि दैदेनगिरिफोरा बाहागो लाफेदों। मख'नो गोनांदि, दिने गेवलां मेलआ जागायजेनयनि सिगाडाव मुगानाडै बड'लेन्डआव गोजोन खोसेथिजों जिउ खांबोनाय गुबुन गुबुन हारि-हारिसानि आरिमु-हारिमुजों मोनसे (□ 6 बिलाइआव)

एबसुनि 57 थि बोसोरसालिया जथुम्मायाव गिबि मन्थिया बाहागो लादों बर' हारिखौ दावगाहोनायाव एबसुआ गोनांथार बिफाव लादों: गिबि मन्थि

दिसपुर, 16 मार्च: गिबि मन्थि ड॰ हिमन्त बिश्व शर्माआ दिने मिरु नख'र मन्थि अमित साहनि नुजाथिनायाव कक्राझारनि दतमायाव दुलाराय बर' फरायसा आफादनि 57 थि बोसोरारि जथुम्मायाव बाहागो लायो। बे हाबाफारियाव बाहागो लानानै गिबि मन्थि ड॰ शर्माआ बर' हारिखौ दावगाहोनायाव एबसुनि गोनांथार बिफावनि सायाव नोजोर होयो। बिथाड



बुडेदि, गायसनजेनायनिफ्रायनो (□ 6 बिलाइआव)

एबसुनि गोदान मावफुं आफाद दाफुंनायखौ देनथ 'बाय

कक्राझार, 16 मार्च: कक्राझार जिल्लानि सिङव थानाय दतमानि बड'फा फोथाराव गेदेर सुबुं थुबुस्मानि गेजेरजों एबसुनि 57 थि बोसोरसालिया जथुम्माया थुंगेफेबाय। मख'नो गोनांदि, बड'फा फोथाराव एबसुनि मिरु बोसोरसालिया जथुम्मायाव बे खेबाव थान्दै मेलआ खेबथाम खंजानायनि उनावबो एबसुनि मिरुनि गोदान मावफुं आफाद दाफुंनायखौ लानानै गोरोबलायनाय गैथैनि जाउनाव थाद'यो। जायनि जाउनाव दिने फुंबिलियाव एबसुनि जथुम्माथिलियाव फिन थान्दै मेल जथुमनानै सिगांनि मिरु आफादखौ सिमफायनायनि सोलायै दानसेनि थाखाय दोनथ 'नायनि थोखि लायो। अदेबानि एबसुनि आफादगिरिनि मासियाव थानाय दिपेन बर'खौ थान्दै मेला (□ 6 बिलाइआव)

एबसुनि 57थि बोसोरसालिया जथुम्मा

मोनसे समाव बड'लेन्डआव गुलिनि सोदोबआ गोमखांदोंमोन, आथिखालाव बर' लाइमोनफोरा त्रिंगा लानानै गिदिंथिडो: अमित शाह

कक्राझार, 16 मार्च: कक्राझारनि दतमाआव एबसुनि 57थि बोसोरसालिया जथुम्मानि हाबाफारिया दिने गेवलां मेलनि गेजेरजों जाफुंसारे खुंजालांबाय। एबसुनि जथुम्मायाव हांखायहरनायनि थाखाय बयखौबो साबायखर बाउनानै मिरु नख'र मन्थिआ गावनि बिबुंथिखौ जागायजेनदों। मिरु नख'र मन्थिआ बुंदोंदि, एबसुनि 57थि जथुम्मानि गेवलां मेलआव बाहागो लाफेदों। लाख-लाख बर' बिदा-फेबाय, बिब'-बिनानायखौ खुलुमबाय। दतमासिम आं गिबि खेब फैदों। बिमा खामाख्या आरो बिमा महामायानि मुं लानानै (□ 6 बिलाइआव)



बर' लिरगिरि आफादनि जिउनां सोद्रोमानि मेल खुंदों



कक्राझार, 16 मार्च: मुम्बाइनि राजस्थान भवननि सावराय न'ब्लाडव दिने बर' लिरगिरि आफादनि बिबानगिरि आरो जिउनां सोद्रोमाफोरनि गेजेराव मोनसे हाबाफारि खुंनाय जायो। बर' लिरगिरि आफादनि आफादगिरि राजेन बसुमतारिआ दैदेन्नाय मेलाव बर' लिरगिरि आफादनि गोवां जिउनां सोद्रोमाफोरा बाहागो लायो। बे मेलाव बर' लिरगिरि आफादनिगाहाइ नेहाथारि आनन्द राम वारीआ गाहाइ नेहाथारिनि बोसोरारि रिप्टेखौ (□ 6 बिलाइआव)

धुबुरिआव श्रम बिफाननि हेंथायै ओन्सोलनि फालांगिरिफोरा सोमावसारदों



धुबुरि, 16 मार्च: धुबुरिआव ओन्सोलनि फालांगिरिफोरनि गोखों सोमावसारनाय। श्रम बिफाननि बिबानगिरिफोरा गला-फालांगि फसंथान बन्द खालामनारनि नेम-खाथिखौ इनायै नारसिन्नायनि अजद दैखानानै दिने धुबुरियाव ओन्सोलनि फालांगिरिफोरा श्रम बिफाननि हेंथायै गोखोडै समावसारो। मिथिनो मोन्नाय बादिब्ला, श्रम बिफाननि बिबानगिरिफोरा ओन्सोलारि बन्दनि बाश्ना मख'नानै रबिबारखालि फिसा फालांगि फसंथानफोरखौ बन्द खालामनो फैदोंमोन होन्नानै मिथिनो मोन्नाय जादों। सरकारि फालांगिरिफोरा बे नेम-खाथिया इनाय होन्नानै (□ 6 बिलाइआव)

राइज्यो बेंगिरिया माहारियारि रैखाथि आरो सिमना सामलायनायनि सायाव सेमिनारनि जोबथा हाबाफारियाव बाहागो लादों

गुवाहाटी, 16 मार्च: आसामनि राइज्यो बेंगिरि लक्ष्मण प्रसाद आचार्यआ दिने नोगोरमानि आसाम रयेल रलबेल मुलुगसोलौंसालियाव कडिफाई बडारि लज: लिगेल फ्रेमवार्क फर नेशनेल सिकिडरिडि एन्ड बडारि मेनेजमेन्ट मुनि मोनसे सेमिनारनि जोबथा हाबाफारियाव बाहागो लायो। बे हाबाफारियाव शिमान् चेतना मंच पुर्वतर आरो अधिबक्ता परिषद असम (□ 6 बिलाइआव)



बासुगाव-राजा सोरांआव सानथामनाडै 219थि पन्चम दौल फोर्बो खुंनो साखा-फारा

बासुगाव, 16 मार्च: 1806 माइथायाव गायसनजानाय जारिभिनारि श्री श्री राजा ठाकुर दौल मन्दिरआव सानथामनि गेदेर हाबाफारिजों 219थि बोसोरारि श्री श्री पन्चम दौल फुजाखौ फैगौ 18, 19 आरो 20 मार्च अक्टखालि फालिनो साखा-फारा खालामनाय जादों। (□ 6 बिलाइआव)



चिरां जिल्लानि बेंटल गोजौ फरायसालिनि गायसनगिरि आरो आजिरा मोन्नाय गाहाइ फोरेंगिरि रुपनाथ बसुमतारिनि रुंसारि

काजलगव, 16 मार्च: चिरां जिल्लानि भारत-भुटान सिमाननि बेंटल गोजौ फरायसालिनि आजिरा मोन्नाय गाहाइ फोरेंगिरि रुपनाथ बसुमतारिआ दिने बेलासिनि 3.30 रिंगयाव 85 बोसोर बैसोयाव बेंटलनि बान्थुगुरि गामियाव गावनि न'याव जोबथा हां बोयो। चिरां जिल्लानि भारत-भुटान सिमाननि बेंटल बायदि गोथौ ओन्सोलनिफ्राय गुवाहाटीनि जारिभिनारि कटन फरायसालिमानिफ्राय आरिमु दालाइयाव डिग्री मोन्नायनि उनाव जोनोम थावनि बेंटलआव

गिदिंबोफिनानै बेंटल ओन्सोलनि इयुन जोलैनि गोजौ सोलौंथाइनि बाश्नाखौ सानानै बेंटल गोजौ फरायसालि, बेंटल गोजौसिन गेजेरारि फरायसालि गायसन्दोंमोन आरो गावनो गाहाइ फोरेंगिरिनि बिबानखौ रुजुन्दोंमोन। गायसनजानाय समनिफ्रायनो गाहाइ फोरेंगिरि महरै बिबान रुजुनबोनानै सरकारि नेम-खाथि बायदिदै आजिरा लादोंमोन। रुंसारि रुपनाथ बसुमतारिआ सोलौंथाइजौल' नांथावनानै थायाखेमोन, बिथानि (□ 6 बिलाइआव)

भबानिपुरआव सानब्रैनि हाबाफारिजों दौल फोर्बोआ खुंफुंजाबाय

भबानिपुर, 16 मार्च: भबानिपुर सत्रजों लोगोसे भबानिपुर दखरा कलबारिनि श्रीश्री रामचरन ठाकुर आता सत्र, कदैगुरिनि श्रीमन्त शंकरदेब छेत्र, कुरबाहा सत्र, सरुपेटानि अजासास्तर किर्तन न', सापारबरि किर्तन न' आरो भालागुरिनि दौल मन्दिरआव (□ 6 बिलाइआव)



एमएलए परमानन्द राजबंसिनि खौरांगिरिफोरनि सायाव सोमोनांथाव बिबुंथि, जाफाया निमाहा बिनांगौनि दाबि दैखांदों

गुवाहाटी, 16 मार्च: खौरांगिरिफोरनि सायाव सिपाझारनि एमएलए परमानन्द राजबंसिनि सोमोनांथाव बिबुंथि होनायखौ जानांलिस्ट एससियेसन फर आसाम (जाफा)आ गोखों रवजों सोंखारिदों। जाफानि आफादगिरि अधिदिप चौधुरी आरो नेहाथारि कुन्नु महन रायजों सागान होजानाय गांसे रादाब बिबुंसारआव गौथुमा एमएलएनि बिबुंथिखौ सोंखारिनाने बुडेदि, बेफोरबायदि बिबुंथिया सासे सुबुं थान्दैनि थाखाय साबजाथम (□ 6 बिलाइआव)

सुजुगिरिनि खोलोम

मिथिंगाखौ सोमख्रै खालामनाया

बिफां-लाइफां गायनाय

सुबुं समाजाव मोनसे हुदाखौ अरायसम नुनो मोनो, बेनो जाबाय हाग्रामा एवस्रानाय आरो दंफां दानस्रानाय । गामिनि सुबुंफोरनि बाश्चाल' नङ टाउन सहरनि सुबुंफ्राबो सुबिदा लाना हाग्रामाआव हाबहैना दंफां दानना लाबोनाय आरो गुबुन्नो फानहरनाय हुदाखौ गोदो गोदायनिफ्रायनो नुबोगासिनो दङ। दिनैसिमबो सुबुं समाजआव बेनि गोथौयै रोदा सुनाय हुदाखौ नागारनो हायाखै ।

मानासनि सुबुंफोरनि बाश्चाल' नङ, जिउ जुनार दाउसिन दाउला, एमफौ एनला बयनिबो थाखाय हाग्रामा, दंफां लाइफांनि गोनांथार । जिउ जुनाराबो हाग्रा बंग्रा, दंफां लाइफां नङबा जेरै थाउरिनो हाया, मानसि माहारियाबो जिउ खांनो हाया। मिथिंगानि सोर्जिनायनि मादाव दंफां लाइफां, हाजो-हाला, दैमा दैसा, दैमु बाइदिसिना नङबा जिउ जुनातफ्रा दसेनि थाखायब्लाबो थांना थानो हाया। हाग्रा बंग्रा, दैसा दैमु गैयाबा बुहुमनि आबहावाआबो जिउ जिराद थांना थानो हायै बाइदि गुबुंले जागोन ।

सुबुं समाजा दंफां लाइफांनि सायाव जेरै बाइदि सोनारो बेखौ साननो रोब्ला हाग्रा बंग्रानि सायाव बे रोखोमनि अनगार अत्यासारा जानाय नङमोन । हाग्रामाआव दंफां लाइफांनि अनगायैबो गोबां रोखोमनि जुनार, दाउसिन दाउला, एमफौ एनला, मैगं मैला, थायो । गसिबोखौनो मानसि माहारिनि गोनां जिउ खांनायाव नांगौ । सुबुं समाजा नांगौखौल' मिन्थिनो रोंबाय नाथाय, बेफोर गोनां मुवाफोरखौ रैखा खालामनो दासिमहालागै सोलोडाखिसै मानो ?

मोनसे सोंनाय फैयो, दंफां लाइफांखौ दानस्रानो सोलोंने हागौबा, बेफोरखौ गायनो सोलोंने मानो रोंदिया ? गोदो गोदाय आबै आबौमोननि बिबै बिबौफ्रा गायना गालांनाय दंफां लाइफांफोरखौ हागौमानि जों दानस्रां जोबबाय जाय जेरै हागौ एरै । हाग्रामा गैयैलाय जिउ जुनार, दाउसिन दाउलाफ्रा थानो जायगा मोनैलाय गामि गामि हाबफैना बुथारजाबाय । कम्पिउटार, इन्टारनेट मुगानि सुबुंफ्रा सानखांनो रोडाखिसै जों थानो जेरै न'बां नांगौ, जुनारफोर थानोबो हाग्रामा नांगौ । जोंनि जायगाआव जा जालांबाय जालांबाय, इयुन जोलैफोरनो दंफां लाइफांनि गोनांथिनि सोमोन्दै मोजाडै गियान होनांगोन आरो बेफोरखौ माब्रै गायनांगौ, फोथांनांगौ, फेदेरनांगौ, राहोनांगौ, आरो माब्रै रैखाथि होनांगौ, गोथौयै फोरोंनांगोन, मिन्थिहोनांगोन, दंफां लाइफां, हाग्रामा थायाब्ला जोंबो थांना थानो हानाय नङ बे बुहुमाव ।

दिनैनि फान्जामुधि

राशि बाइदियै मुंनि गिबि हांखो

मेषः अ ल	बुषः ऊ ब (उ ए इ)	मिथुनः क छ (ङ घ)
कर्कटः ड ह	सिंहः म ट	कन्याः प ठ (ण ष)
तुलाः त र	वृश्चिकः ब न	धनुः ध भ (ढ़ फ)
मकरः ख ज	कुम्भः ग श (स)	मीनः द च (ख ङ झ)

मेघः मानिबाफोर जेंनायाव गोर्लैबायनो हागौ । गोर्जोन्नाय गैयैजों सम बारहोनांगोन । गोर्सोखौ ।

बृषः जेरै गोर्सो एरै रंजा-बाजा खालामनो हागोन । फारफ्रोमबो मोर्जा । गोर्जोन मोनगोन ।

मिथुनः नख'र संसार जानायाव सुखुखौ मोन्दानो हागोन । जेखि मावा गोर्जोन्नायखौ मोनगोन ।

कर्कटः मानिबा जाहोनाव दुखु-खस्थ' सैनांनो हागौ । जेखि जाया गोर्सोखौ हमथा ।

सिंहः सान्नाय-हनाय गोहोआ गोर्मालांनो हागौ । जैर्बो सांग्रां जानानै थानांगोन ।

कन्याः मोर्जां मोनलायनायनि दौलेंआ गोर्ग जागोन । अनलायनाया बांगोन । मोर्जां सान ।

तुलाः गावखौ समायना खालामनानै लानो हागोन । नख'रनि साफ्रोमर्जोंबो अनलायनाया थाबाय थागोन ।

वृश्चिकः गोर्सोआव माखौबा लानानै गात्रि मोन्नाय सोमजिनो हागौ । गोर्सोखौ हमथाना था ।

धनुः सोर्निबा थाखाय मोर्जां हाबा मावनो हागोन । गोर्जोन मोन्नो हागोन ।

मकरः सोर्जोंबाफोर बायदिसिना होन्नानै सोंखारि जानो हागौ । गोर्सोखौ हमथाना थानाय गहाम ।

कुम्भः गोर्बां दुखु-दाहाजों बुंफबनो हागौ । गोर्सोखौ शान्ति मोन्नाय नङ । गोर्सोखौ हमथा ।

मीनः बे रशिनि थाखाय शुभ दिन । गोथार खामानि मावनानै लानो हागोन ।

बिहारआव बोथोरआ टेन्सनखौ बांहोदों, बिदुडा 39 डिग्री बारदों

पाटना, 16 मार्चः बिहार राइज्योनि बोथोरआव लान्थियै सोलायनायखौ नुनो मोनगासिनो दङ। मार्च दानआवबो सुबुंफोरा गोबां गरमजों मोगा-मोगि जानांगासिनो दङ । शनिबारखालि खगड्डियानि बिदुङ 39 डिग्री बारहैदों। फैगौ सानफोराव बिदुङा बांदों, जायजों सुबुंफोरा मार्च दानावनो मे बायदि गरम मोन्दांगोन । थानाय शनिबारखालि रजथावनि पाटनायाव मेक्सिमाम बिदुंखौ 36.4 डिग्रीयै दैखांनो मोन्नाय जादों । बेराफासैं, गयानि मेक्सिमाम बिदुंखौ 36.5 डिग्री सेल्सियास आरो मुजाफ्फरपुरनि मेक्सिमाम बिदुंखौ 34.8 डिग्री सेल्सियासयै दैखांनो मोन्नाय जादों । बेराफासैं छपरानि बिदुंखौ 0.5 डिग्री दावखलायनायजों लोगोसे 32.7 डिग्रीयै दैखांनो मोन्नाय जादों । बेनि अनगायै गासै सहरफोरनि मेक्सिमाम बिदुङाव बांदों । बेनि गेजेरजों

सान्थिनि फंबायजों लोगोसे सा 3 सुबुंफोरखौ जिउ फोजोबनाय केसआव साब्रै दायनिगिरिफोरखौ हमबाय

छपरौली, 16 मार्चः हलीआव रठौड़ा गामियाव सान्थिनि फं बायजों लोगोसे सा 3 सुबुंफोरखौ जिउ फोजोबनाय जाथाय सोमजिदों । बे गामियाव पुलिसफोरबो दङमोन, अब्लाबो बेयाव थैनि हली गेलोनाय जाथाय सोमजियो । आथिखालाव बे गामियाव पुलिस हान्जा थिसनबाय आरो पुलिसआ साब्रै दायनिगिरिफोरखौ हमबाय । मख'नो गोनांदि, रठौड़ा नि थागिबि बुद्ध सिंहनि फिसाज्ला 35 बोसोर अमितआ हरियानानि पानीपटआव थानाय कम्पानीआव साखि मावोमोन । बियो 12 मार्चआव गावनि बिसि सलनी आरो सा 3 गथ'फोरजों लोगोसे हली फालिनो थाखाय गामियाव फैदोंमोन । दुइसिन फं बाय

जादों । फैगौ सानफोराव बेनि गोहोमखौ बिहारआवबो नुनो मोन्नो हागौ आरो बेजों राइज्योनि बिदुङाव दावखलायगोन । बोथोर सोलायनायनि गोहोमखौ गथ'सा आरो बैसो गोराफोरनि सायावबो गोर्लैनाय नुनो मोन्दों । थांनाय सानफोरनिफ्राय बोथोर सोलायनायनि जाहोनाव देहा फाहामसालिफोराव बेरामिफोरनि अन्जिमा गोखैयै बांगसिनो दङ । बिसोरनि गेजेराव बांसिनानो मौसुमि बोथोरनि बेरामजों भुगिनांदों ।

दायनिगिरिआ बुथारनो हुमखि होना जाथायसालिनिफ्राय खारो । बेनि उनाव कुलभीरआ दायनिगिरि सागर, अक्षय आरो बिनि वंशनि हेंथायै केस थिसनो । बे गामिनिनो सहनभीर कनस्टेबलनि मासिआव थिसनजानाय । बिनि दुइसिन फंबाय 23 बोसोर बैसोनि मनिष उर्फ मनुआ ट्रक सालायग्रामोन । थानाय शनिबारखालि फुङाव गामिनि गम आबादथिलियाव मनिषनि गुलि नांनाय गोथै सहखौ मोनो । नख'रनि दाय जाबसिन्नाय बादिब्ला, मनिषखौ सागर आरो अक्षयआनो लोगोफोरजों लोगो नांनो गुलि गावनानै बिनि गोथै सहखौ आबाद फोथारआव गारहैयो । बिसोरनि हेंथायै मनिषनि बिफायाबो केस थिसनो । बेनि सिगां मनिषनि बिफायाबो केस थिसनो । बेनि सिगां मनिषआबो गावनि लोगोफोरजों लोगोसे आबादारि रामफलनि न'आव बेलासिनि 6.45 रिंगायाव हाबनानै बिनि बिसि बिरमतीनि सायाव लहानि रडजों गाग्लोबदोंमोन ।

पाकिस्तानआव आइइडि बेरफ्रुनायजों सासे जवाननि जिउ गोमादों, सा 6 जोखोम

इस्लामाबाद, 16 मार्चः शनिबारखालि पाकिस्ताननि क्वेटाआव मोनसे आइइडि बेरफ्रुनायाव एन्टि टेर'रिस्ट फर्स (एटिएफ) नि सासे जवाननि जिउ गोमादों आरो सा 6 जोखोम जादों । करणी ओन्सोलाव बररी रडआव पेट्रुल होबाय थानाय एटिएफनि गंसे गारिखौ थांखि खालामनानै बमा होदोंमोन । खौरानि बादिब्ला, एटिएफनि गारिखौ थांखिना बमा होनायाव सा 7 जवानफोरा जोखोम जादों मोन । जोखोम जानायफोरखौ थाबैनो देहा फाहामसालियाव थिसन्नाय जादों मोनब्लाबो सासे जवानआ जिउ गोमायो । बे जाथायनि उनाव रैखाथि हान्जाया बमा बेरफ्रुनाय जायगासिम सौहैयो आरो

खालामदोंमोन । बे ट्रेनआव 200 रैखाथि मावसुमाफोर आरो 500 निबो बांसिन दावबायारिफोर दङमोन । बलुच उतखारिफोरा सा 214 बेंखनआव लानाय सुबुंफोरखौ जिउ फोजोबबाय होन्नानै दाबि दैखांदों आरो 4 घन्टानि सांग्रांथि होनायनि उनावबो पाकिस्ताननि अहंखार आरो सावरायनायनिफ्राय गोजानाव थानायखौ दायनिगिरि खालामो ।

हलिनि फोर्बोनि उनाव तेजप्रतापनि जेंनाया बांदों

पाटना, 16 मार्चः बिहारआव थानाय शनिबारखालि हलिनि फोर्बोखौ गाजा-गोमजायै फालिनाय जादों । बे समाव बयनिखुइ बांसिनै आगुनि सिएम लालु प्रसाद यादबनि देरसिन फिसाज्ला तेजप्रताप यादबआ सुलुङाव थादों । बिथाङ हलिनि फोर्बोनि समाव पुलिस मावसुमाफोरखौ इडनिफर्मआव डेन्स खालामनो थिनो । बेजों लोगोसे बेबादि खालामैनि सायाव सास्पेन्ड खालामनोबो सांग्रांथि होयो । बेनि भिडिअआ नुजाथिनायनि उननिफ्राय लान्थियै बिजेपिजों लोगोसे माखासे दोलोफोरनि दैदेनगिरिफोरा बिनि सायाव गाग्लोबो । आथिखालाव हेल्मेट गानालासे स्कुटी सालायनाय केसआवबो बिसोरनि जेंना बांनायखौ नुनो मोन्नाय जादों । पुलिस मावसुमाफोरखौ

इडनिफर्मआव डेन्स खालामहोनायजों लोगोसे हेल्मेट गानालासे स्कुटी सालायनाय केसआवबो आगुनि मन्थि राजद सुप्रिमनि देरसिन फिसाज्ला तेजप्रताप यादबआ सुलुङाव थादों । राजखान्थियारि हेंथाफोरनि नोजोराव गोर्लैनायजों लोगोसे बिथाङ आथिखालाव पुलिसनि नायबजिस्नायजों मोगा-मोगिबो खालामनांगोन । पाटनानि गागि पुलिस एसपि अवकार कुमारआ बुडोदि, तेजप्रतापनि हेंथायै

हाइद्राबादआव भुलक्ष्मी मन्दिरनि एकाउन्टेन्टनि सायाव एसिडजों गाग्लोबदों

हाइद्राबाद, 16 मार्चः सैदाबाद पुलिस स्टेशननि सिमना सिङाव गोर्लैनाय भुलक्ष्मी मन्दिरआव थांनाय शुक्र बारखालि बेलासियाव मोनसे गोमोथाव जाथाय नुजाथियो, जेब्ला सासे सिनाय मोनै सुबुङा मन्दिरनि

मन्दिरनि एकाउन्टेन्ट नरसिं रावजों अन्ना प्रसादिनि बेसेननि सोमोन्दै सावरायनो हमो । बिथाङा फोरमाय बावोदि, सावरायनाय समाव बियो हरखाबै नरसिं रावनि खर'आव केमिकेल लुयो, जायजों बियो सरासन्तायै जोखोम जायो । बेनि केस थिसन्नानै सिनाय मोनै सुबुंखौ नागिरगासिनो दङ । सुलुङाव फोरमायनाय बादिब्ला, पुलिसआ बेनि केस थिसन्नाय मोनै सुबुंखौ हमनो थाखाय नागिरनाय हाबाफारि जागायो ।

मुंगेरआव हलीनि सानाव सा 3 सुबुंफोरखौ जिउ फोजोबनाय जाथाय सोमजिदों

मुंगेर, 16 मार्चः बे खेबनि हलीआ मुंगेरनि थाखाय अशुभ महैर फोरमान जायो । मुंगेरआव 24 घन्टानि गेजेराव सा 3 सुबुंफोरखौ जिउ फोजोबदों । बेराफासैं सुबुंफोरा गाबफोरजों हली फालिगासिनो दङ । बेराफासैं, दायनिगिरिफोरा गुलि गावबाय थादों । अदेबानि जमादार सन्तष कुमार सिंह आरो लाइमोनखौ बुथारनाय केसआनो जोबनानै थाडाखैमोन । बेनि गेजेराव गोदानै रामनगर थाना ओन्सोलाव थानाय रामनगर मर्चायाव हलीनि सान एबा शनिबार हरआव गावजों-गाव दाङ-बाजिआव आकाश तान्ती मुंनि लाइमोनखौ दाबा सुरिजों उदैयाव सुयो । बे जाथायनि उनाव नख'रनि सुबुंफोरा

जमालपुरनि गावयारि नारसिं हमआव थिसनो, जेराव माखासे घन्टा फाहामथाय होनायनि उनाव आकाशआ जिउ नागारो । बे जाथायनि खौरं मोन्नायनि उनाव नया रामनगरनि पुलिस सौफैयो । आथिखालाव दायनिगिरिखौ ग्रेप्टार खालामनो थाखाय पुलिसआ सिग्रोमगासिनो दङ । थाना

बिबानगिरि तारकेश्वर सिंहआ फोरमायनाय बादिब्ला, रामनगर मर्चा महल्लेआव बबेबा बाश्चाखौ लानानै मोननै हान्जानि गेजेराव जेंना जादोंमोन । बेनि उनाव मोनसे हान्जाआ आकाशनि उदैयाव सुयो । आथिखालाव बेयावनि थासारिआ कन्ट्रलआव दङ होन्नानै पुलिस बिबानगिरिआ फोरमायदों ।

सिक्किमआव 100 फुट गोथौ हाख'आव बास गारि गलांदों

धनबाद, 16 मार्चः शनिबारखालि हरआव सिक्किमनि मंगान जिल्लायाव मोनसे लामानि जाब्रथाय जायो, जेराव आइआइटी आइएसएम धनबादिनि सा 10 फरायसाफोर जिउ गोमायो । बे जाब्रथाया

गारिआव आइआइटी आइएसएसनि सा 6 फरायसा आरो सा 4 फरायसुलिफोर दङमोन । जाब्रथायाव झुइभारजों लोगोसे गासैबो गाखोनायफोरा जोखोम जायो । बांसिनै जोखोम जानाय सा 3 फरायसाफोरखौ फाहामथायनि थाखाय गेटकनि एसटिएनएम फाहामसालिआव थिसनो । गुबुन माखासेखौ मंगान जिल्ला फाहामसालिआव फाहामताय होनाय जायो । हलीनि सान 3 बन्द मोन्नायनि खाबुखौ लानानै एमबिए फास्ट इयारनि बिसोर फरायसाफोरा सिक्किमआव बेरायहैदोंमोन ।

पाकिस्तानआव मास्टारमाइन्ड उतखारि आबु कतालखौ जिउ फौजोब्बाय

गोदान दिल्ली, 16 मार्च: पाकिस्तानआव उतखारि आफाद लश्कर-ए-तैयबानि मस्ट वान्टेड उतखारि आबु कताल सिंधीखौ जिउ फोजोब्बाय। शनिबार हरनि 8.00 रिंगायाव आबु कतालखौ जिउ फोजोबदों। बियो भारतआव गोबां गिदिर-गिदिर उतखारि जाथायफोरखौ मावफुंदोंमोन। एनआइएआ बिखौ वान्टेड होन्नानै सिगाडवनो फोसावदोंमोन आरो बिखौ हाफिज सइडजों खाथि सोमोन्दो गोनां होन्नानै गनायथिनाय जादों। मख 'जाथावदि, थंनाय बोसोरनि 9 जुनआव जम्मु-काश्मीरनि शिब-खड्डी मन्दिरनिफ्राय गिदिं'बोफिन्न।य दावबायारिफोरनि बासआव उतखारिफोरा अनागारियै



मास्टारमाइन्डमोन। गुलाम काश्मीरनि झेलमआव थंनाय हर एबा शनिबार हरनि 8.00 रिंगासोआव आबु कतालखौ सिनायमोनै गांग्लोबग्राफोरा गुलि गावदों। हाफिजआ बिखौ लश्करनि चीफ अपारेसन कमान्डार होन्नानै बुंदोंमोन। हाफिजनि

इसारायावनो कतालआ उतखारि गांग्लोबनायफोरखौ खालामदोंमोन। बावैसो सिगां लश्करनि टप कमान्डार रियाज आहमद एबा कासिमआ जिउ गोमादोंमोन आरो बशिर आहमदआबो रहस्य गोनाडै जिउ गोमादोंमोन।

बेंगालुरुनि हलि पार्टीआ बुथारलायनाय जाथायाव सा 3 सुबुंफोरनि जिउ ख'हा



कर्नाटक, 16 मार्च : हलनि सानआव हादतनि माखासे बाहागोफोरनिफ्राय हिंसायारि जाथाइनि खौरंफोरा नुजाथिदों। बे बिथिडव कर्नाटकनि बेंगालुरुनिफ्राय मोनसे जाथाय नुजाथिदों, जेराव हलनि पार्टीनि उनाव सा 3 सुबुंफोरनि जिउ गोमायो। निसायाव थानाय सुबुंफोरनि मोनसे हान्जानि गेजेराव जानाय दाङ-बाजियाव सा 3 सुबुंफओरनि जिउ गोमानायनि खौरं नुजाथियो।

आमेरिकायाव गोख्रों बारहुंखार्जों सा 32 जिउ ख'हा

वाशिंग्टन, 16 मार्च : आमेरिकानि गोबां बाहागोफोराव फैनाय गिख्रंथाव बारहुंखाया गोख्रों सिलिंखार खालामदों। गोबां राइज्योफोराव फरायसालिफोरा सिलिंखार जायो आरो खमैबो सा 32 सुबुंफोरनि जिउ गोमानायनि खौरं सोराडव फैदों। थंनाय शुक्रबारआव शर्मन काउन्टिआव हाद्रि-बाला गोनां बारहुंखा फैनायजों हाइवेआव जाब्रबथाइ जानानै सा 8 सुबुंफोरनि जिउ गोमायो। मिसिसिपिनि गधर्नर



टेट रिक्सआ फोरमायदोंदि, दर 3 काउन्टिआव सा 6 सुबुंफोरनि जिउ ख'हा आरो सा 3 आ गोमाना दं। सशेल मिडिया प्लेटफर्म एक्सआव पस्ट

खालामना बिथाडा फोरमायदोंदि, गसै राइज्योआव सा 29 जोखोम जादों। बिबानगिरिफोरा फोरमायदोंदि, निसोरीआव जायखि-जाया

गुबुन राइज्योफोरनि रुजुनायाव बांसिन थैनाय थिसनो मोन्दों। हादतनाडै मोनसे गिदिर बारहुंखायाव गोख्रै बार बारनायजों सुबुंफोरा बायदि खैफोदआव गोरलैना जिउ गोमादों। फारसेथिं 100 नि बांसिन हाग्राफोराव अर नांनारनिबो खौरं मोन्नाय जादों। घन्टयाव 60 माइल गोख्रैथिजों बारनाय बारहुंखानि जाहोनाव बरफबो गोम्लैयो। शनिबार खालिबो गिदिर साइख्लन फैदों होन्नानै मिबथिनो मोन्दों।

धोरोम सिबिनायाव लाइमोन आरो आइजोफोरनि बिबान

बिनन्द श्वरगयारी

जाय

धोरोम गैया बे हारिखौ सिनाया। धोरोमानो हारिखौ रायथियो। धोरोम सिबिनाय होन्नाय लोगो-लोगो धोरोमा मा? बनि सोदोबथिया मा? बायदि सोंथिफोरा जाखां फैयो। धोरोमनि सोदोबथिया सुंदयै बायदिसिना आसार खान्थिनि गेजेरजों सुबुं माहारिखौ फोथानानै लाखिनाय। बिब्दिनो धोरोमा सुबुं समाजनि सुबुं फोरखौ आसार खान्थिनि गेजेरजों एखुशा धोरोमनि सुबुं होन्नानै सिनायथि होनायाव हेफाजाब होबोदों। बेनि खायनो ईश्वरनाम धोरोमनि सुबुंनि आसार खान्थिफोरा हिन्दु धोरोमनि आसार खान्थिनिफ्राय फाराग दङ।

धोरोमा मोनसे धोरोमनि सुबुं माहारिखौ गोथारै थानो थिन्नायनि लोगोसे नैतिक साहसखौ जौगाहोनो हायो। मोनसे खोथाया थारदि- सासे सुबुड ढैतिक साहस गैयाब्ला जेबो खामानिआव उदायनो हाया। जाय सुबुड ढा गावनि जानाय-लोंनाय, मावनाय-दांनाय, बायदि खामानि फोराव जेबो धोरोम एबा आसार खान्थि मानिया बियो जेब्लाबो जौगानो हाया। बेफोरबायदि सुबुड जीउनि ससेआवनो सौथुनो गोनां जानानै फैयो। बेनिखायनो नामा धोरोम फोथायसुला आरो अबंलावरि गिख' हारिफोरासो दावगालांगासिनो दङ। बेनि अनगायैबो जायफोर सुबुंफोरा धोरोम फोथायो बिथांमोनाबो जीउ गोलाव जानायखौ नुनो मोनो।

दा बाथ्राया जाबाय धोरोम सिबिनायाव लायमोन आरो आयजोफोरनि बिबाननि सोमोन्दै सावरायनांगौब्ला सेंग्रा- सिख्ला फोरखौनो मोनथियो। लायमोनफोरा धोरोमनि आसार खान्थि फोरखौ मानिनानै गावबा-गावनि खामानियाव आवगाय लांथारनांगोन। जाय लायमोन फोरा बायदिसिना गिच्चा खामानिफोराव आगान होगोन बिसोरो गावनि जीउ लामायाव

जेंनाजों होसोजागोन। आरोबाव बेनि फिथायखौ इयुन जीउ मोनसेआव थैजासिम मोन्नो गोनां जागोन। बेनिखायनो जाय लायमोनफोरा गोथार गोसोजों गावबा-गावनि खामानिफोराव गोसो होदोंमोन बिथांमोनखौबो गावबा गावनि खामानिफोराव जौगानायखौ नुनो मोन्दों। गुबुन फासैं जायफोरा आय, आफा, धोरोम, आसार-खान्थि मानिआ बिसोरनि जीउ मोनसेआव जौगानायखौनो नुनो मोनाखै। बेनि अनगायैबो गोसोआव गोजोन्नाय होन्ना बुंनाय सोदोबा बिथां मोननिफ्राय गोबां गोजानाव थायो। मानोना धोरोम मानियाब्ला लायमोनफोरा बायदिसिना गिच्चा आरो समाजनि बेरेखा मावनानै गोदाव- सोराव जानानै जेबो खामानियावनो गोसो होनो हाया जानायखौ नुनो मोनो। बे बायदि जाथाया गावनि जीउ मोनसेआव खहा लाबोनायनि अनगायैबो मोनसे हारिनि सुबुं गोहोनि सुख' हायै खहा लाबोयो। बे लायमोननिफ्रायनो मोनसे हारिनि इयुननि गोगो दैदनगिरि, लिरिगिरि, राजखान्थिगिरि आरो निस्तारबादि समाज सिबियारि ओंखारनांगौ। नाथाय जाय सासे लायमोननि खामानिफोरा जेबो धोरोमनि आसार खान्थि मानिआ बनि मेलेमा सैथोबादि आरो गोथार जानो हाया। सैथोबादि नङब्ला मोनसेबो खामानिआव गोसो होनो हाया। बेनि खायनो गोसो फैजायै फोरा फरायसालिफोराव नैथिक सोलोंथाय फोथायो। मानोना उन्दै समाव जा, जा बाथ्रा, आव-फाव फोरा गथ' सासेनि मेलेमाव हाबगोन बियो जीउनि गोबां बोसोरहालागै थाफायो जायखौ इंग्राजियाव फर्स्ट इमप्रेसन इस दि लास्ट इमप्रेसन होन्नानै बुंनाय जायो। बेनिखायनो बे लायमोन फोरनि जौगानो गोनां समावनो एम्फौ अरोब्ला हारि जौगाहोनो सान्नाया फेलें। नाथाय गुबुन चीन, जापान बायदि जौगानाय हादोरफोरनि लायमोनफोरखौ नुब्लानो बिसोरदि इयुनाव माबा मोनसे गोग्गो खामानि मावनो हागोन बेखौ सानफ्लां गारो।

जों बेफोरखौ नुब्लाथाय बे बायदि सान्नाया थाबनो फैनो नायगिरा। धोरोमखौ दुरुं बायदि बाहायनानै लायमोन फोरखौ होबथानो हायो। नङब्ला बे लायमोनफोरा नांगौ रोखोमनि खामानियाव गोसो होआ बालानो सोरगिदि बेले-बेजेखौ लाना फैगोन। गुबुन फासैंथिं धोरोम सिबिनायाव आयजोफोरनि बिबाना गोबां। हिनजाव माहारिआ हौवाफोरखौ गोबां खामानियाव फोसाबना मोजां खालामनो हायो। गोबां गात्रि आखुनि फिसायफोरखौबो आयजोफोरा मोजां खालामनायखौबो जों नुनो मोनो। बेनिखायनो असमियाआव तिरिलै गिरि, तिरिलै हथसिरि, होन्नानै बुंनाय जायो। बेनि सोदोबथिया जाबाय हिनजाव एबा बिसिआ मोजां जाल्लासो नखर थायो। नङब्ला बियो नखर जानानै थाया। बिब्दिनो गोबां मुलुगनि मुंदांखा सुबुंफोरनि जीउनि उर्नथिं आयजोफोरनि थुलुंगाफोरखौ जों नुनो मोनो। आरोबाव आयजोफोरनि थाखायनो गोबां सुबुंफोरखौ जोबझांलांनयबो नुयो।

आयजोफोरा नखर गंसेनि आबहावा गोथारथि लाखिनायावबो गोबां हेफाजाब होनो हायो। नाथाय बेनि थाखाय नांगोन मोनसे धोरोम हारि आबहावा। जायनि थाखाय बिमाफोरा मोना मोना समाव बाथौ गुदियाव आत्तारि सावनाय, धुप-धुना सावनाय बायदि-बायदि। बेफोरबायदि सामफ्रोमबो मोना बिलिआव आसार फालिनायनि लोगोसे धोरोमारि बाथ्राफोरखौ सावरायब्ला नखरफोरनि आबहावाया मोजां जागोन। गथ'नि आखुथाय दानायावबो आयजोफोरा गोबां हेफाजाब होनो हायो। धोरोमनि आसार खान्थिफोरखौ फालिनानै बायदिसिना गिच्चा खामानिनिफ्राय बिमाफोरा गोजानाव थानानै गथफोरखौ बेफोरनिफ्राय गोजानाव थानो थिनोब्ला गथफोरनि आखुफोरा

मोजां जागोन होन्नानै आसा खालामनो हायो। बिमा-बिफाफोरा गथफोरनि सिगाडव नांलाय-खमलाय गात्रि बाथ्रा बाहायनाय फोरनिफ्राय गोजानाव थानांगौ। बेनि अनगायैबो गिच्चा खामानिनि फिथाय फोरखौ बिमा बिफाया गथफोरनि सिगाडाव बेखेवनानै होनांगोन। बेनिखायनो गथजों बाहायनाय आरो बनि सिगाडाव बाथ्राफोराव सांग्रां जानांगौ। मानोना बिसोरनि सिगाडाव गात्रि बाथ्रा बाहायब्ला बेफोर गथफोरनि गोलेँ महराव गोगोम गोहोम खोख्लैयो। बेनिखायनो जों गात्रि बिमा बिफाफोरखौ जों बांसिनखौनो गात्रि जानायखौसो नुनो मोनो। जौनि बर' बिमाफोरा जौ लोनायफोरावबो एसेल' नङ गोबां बर बिमाफोरा जौ लोंसोगारो। आरोबाव जौ लोंनानै गात्रि गात्रि आसार खान्थिफोरखौ गथफोरनि सिगाडव दिन्थिलायबावओ। नाथाय उदैयाव गथ' थाब्लाथाय फेनाय बेसाद जानाय एबा लोंनाया गाहाम नङ। बिब्दि खालामब्ला उदैयाव थानाय गथनि रोदाफोराबो गात्रि जायो होन्नानै देहा फाहामगिरिफोरा बुडो। जायनि थाखाय बे बिमानि गथफोरा मेलेम गोनां जानाया गोब्राब। लोगोसे बे समाव बिमानि सान्नायफ्राबो गाहाम जानांगोन। बेनिखायनो मेलेम गोनां गथ जोनोम होनाया गोलेँ बाथ्रा नङ। बेबायदिनो उन्दैनिफ्रायनो धोरोमनि सोमोन्दै बिमा बिफाया गथफोरखौ फोरोंनांगोन। गुबुन फासैं बाडालि, मारुवारि बारिनि आयजो फोरखौ गोबां धोरोम सिबियारि नुनो मोनो। बेनिखायनो नामा बाडालि फोरा गोबां मुलुग मुंदांखा सुबुं दङ। मारुवारिफोरा रां खान्थि आयदायाव गोबां आवगाय लांदो। बेनि अनगायैबो बिफाखौ गिब्लाबो गथफोरा बिमाखौ गिया।

सुंद' सल'
मिस निरा ब्रह्म
इउ एन ब्रह्म कलेज।

बेलासि सम 3.00

रिंगायाव आं अफिसनिफ्राय फैनानै मेंनाय मोन्नानै जाखा-लोंखा दसे लामानि बिफां सायायाव जिरायग्लांदों। बे जिरायबाय थानाय समावनो आं हरखाबैनो रमायनानि फासैं गोसो खांहरनायसै। बेसेबांदि उदैनिफ्रायनो लोगोथारमोन जों सानैजों। रमायनानि बिफा-बिमा आरो आंनि बिमा-बिफा नायनो हायै सैलायलाया। नाथाय जों सानैबो बिसोरनि फासैं जेबो मोना। जोंहा लोगो नालाय लोगो जों रावनिबो फासैं जेबो मोना। जौनि बिफा बिमाया न' गालायलाया नाथाय जों सानैया जेब्लाबो थांलायो फैलायो। सानसेखालि आं रमायना मोन्नाव थानायाव आं बिस्रानाव गोबां मानसि बोराइ-बुरै साब्रै आरो सेंग्रा सासे नुहैनयसै। रमायनाया बिसोरनो साहा होफेदोंमोन। आं दरखडाव मोनहैनैना रमायना बिमानाव

धारेनो नंमारगौ लोगौ

सोंदोंमोन- मादै रमायना दङ ना? रमायना बिमाया आंखौ एसे रागा जोंदों जानांगौ बियो गोमजोर रावै फिन होदोंमोन औ दङ। रमायनाया आंखौ मेगन फावजों गावनि रुमाव लिलंनयसै। आं रमायनानाव सोंदों- सोर आलासि जाखो बिसोरलाय। रमायनाया दुखु गोसोजों फिन होबाय आंखौ नायनो फैदों। आं बाग्दावखानायसै आरो बुंनायसै मा? दानो! नोंहा दाबो बैसोयानो जायाखै। दासो मेट्रिक पास जानायावनो। माथोलाय नों गावनि आर्थियाव गसंनो हाबासो जागोन होन्नानै बुंदोंमोन। दा मानो? नै खोनासं जों हिनजावफोराबो दानि जुगाव गाव गावनि आर्थियाव गसंखानाय जानांगौ। नङब्ला सोरनिबा नखरफोराव बिहामजोफोरखौ सैमा-अमाफोर बादि बाहायोनो। आं सानो

बेफोर जेंनाया नोंनावबो दा जाथों। रमायना: मा खालामनो लोगो। बिमा-बिफायनो हरनो नागिरो। गात्रिब्लाबो मोजांब्लाबो बिमा-बिफानि बोसोन मानियाब्ला। आय आफाया सानो आंखौ दानो हाबा हराब्ला आंनि बिनानाव सानैया आंजों सम्ब्रा-समब्रि जाहैयोब्ला हाबा हरनो हानाय नङ। आं बुंनायसै: नंगौ रमायना खायफा बिमा-बिफाया फिसाजो हाबा हरनायखौ गावसोरनि गिलिर बजाय सान्नानै लायो। मोजां गात्रि नाया लया हरसोमला बायो। उनाव गावसोरनो खस्थ मोनफिन नाडो। बे समावनो रमायना बिमाया हाबफैनानै आं बुंनाय बाथ्राखौ खोनायसै। बियो आंखौ रागा जोंनानै बुंनायसै नों जौनि नखरनि फासैं दासान बेफोर जों बिमा-बिफानि दायथ'। नोंखौथ' नोंनि

नोमा-नोंमफाया हाबा हरनो हागोनना हाया ईसोरासो मिथिगौ। नों बायदि दावखाखौ सोर सेंग्राया लांनांगौ। आंनि रमायनाया बेसेबांदि रमायना नोंनि खाथियाव थानोनो समाया। हाजार हाजार सेंग्राफ्रा खारफायो आंनि फिसाजोजों। रमायना: गाबनानै, आयै नों मानो बिदि बुडो। आंबो गाबफ्रामनानै आरो बुंनायसै मादै खोनासं दानि जुगाव रमायनाब्ला' जाया गियान आरो सोलोंथायनि फासैं जौगानायासो बांसिन गोनां। रमायना आं थानोसै नोंनि हाबायावल' आं फैनोसै। बेबायदि सानफु बाय थानायावनो आया आंनो खाथ मोनसे होफैनायसै। नै रमायनाया नोंनो बे लाइजामखौ हरदों। आं लाइजामखौ मोन्नाय लोगो लोगो खुसिजों बोलानायसै नाथाय नुबाय आं बेयो खुसिनि लाइजाम नङा दुखुनिनो।

रमायनानि फिसाया रमायनाखौ सानफ्रामबो बुयो, रायो, जौ फै नानै आरो सम्फथि लांनो थाखाय रमायनाखौ रायबाय थायो। आं सानो रमायना मोनहा एफाग्राब बे बायदि सम्फथि हरबाय थानो हाया। बिसोरहा फिसाजो सानै गोजोन दंबावखायो। रमायना फिसाया दा गुबुन हिनजावजोंसो हाबा जाहां जाहां बाव। बेखौनो रमायना बिमाया माहाजोननि फिसा गारि मटर आरो मबाइल गोनां होन्नानै फिसाजोखौ हरदोंमोन। दा नुबाय बिमा-बिफानि सायाव जानानै साखि गैया बाख्रि गैया गगाब-सगाब जौ लोडैलोडैथाग्रा। रमायनाया सानफ्रामबो सहायनो हालानो बनि आखल आखुखौ। बेखाइनो बियो गावनि असे बिमा-बिफानि नआव गावनि फिसाजोखौ लानानै थाफेदोंमोन। नाथाय बिमा-बिफायाबो रमायनाखौ थांफिन्नो सामफ्रामबो धिनबाय थायो। बिमा बिफाया रमायनाखौ नआव थायोब्ला गावनि फिसाजो सानैखौ रावनोबो हाबा हरनो

हानाय नङ सानो। रमायनाया थांफिन्दोंमोनबो नाथाय थांफिन्नानै बांसिनसो साजा होजादोंमोन। रमायना फिसाया रमायनानो गान्नाय जोमन्नायाथ' गोजानावबाव जानाय आदारखौनो होया होया खालामबाय। गावहा गाव गोसो थोबावनाय हिनजावनाव ओंखामखौ जानानै नआव माइंरखौनो होफैया, होफैयोब्लाबो गावनि फिसाजोखौ अन्नानै फवासेल' लाबोयोमोन। बेखौनो सान्ने जानो थोनोमोन। रमायनाया गाव रानथाब खुथाब थानानैब्लाबो फिसाजोनो बेखौनो संनानै होयोमोन। नाथाय रमायनाया बेबायदि जेंनाखौ बारा बारा सहायनो हायैनि थाखाय सानसेखालि बियो गावखौनो अरजों सावनानै लाबाय। लाइजामखौ रमायनाया गाव थैनायनि सिगां आंनो लिरजोबदोंमोन गासैंबो बाथ्राखौनो। बियो लाइजामनि गाहायाव आंखौ मोनसे खावलाय हरदों-लोगो नों हायोब्ला आंनि फिसाजो

अनसुलिखौ लायनानै लाफै, आं सानो बियो बिफाजों माब्लाबाबो गोजोन थानो हानाय नङ आरो आंनि आय आफानाव दोनोब्लाबो बिखौ देरस्ताबा जासे हाबा हरनोसो नागिरगोन। नों आंनि फिसाजोखौ नों बायदि गावनि आर्थिडाव गसंनो हानाय खालाम। नंगौ लोगो, जोंबो हिनजाव जानानै गाव गावनि आर्थिडाव गसंनो हायाब्ला हौवाफोरनि सायावल' लामा नाइनानै थायोब्ला जों गावखौनो गाब्रनानै लायो लोगो, नों आंनि जोबथा आसा खालाम हरनायखौ दानेवसि। बे समावनो आंखौ रमायना बिनानावा लिलंफैनायसै आब' नोंखौ जोंनाव दानो लेंहरदों। आबनि गोथै सहखौ नायनो। आं माबार माबार खारलांथारनायसै। आं थानानै नुहैनयसै रमायनानि रमायना महरफोरा अरजों खामफ्राम जाजोबबाय रमायना बिमाया गोथैसहनि खाथियाव थानानै फाग्लिबादि गाबगासिनो दंमोन आंबो खाथियाव थाहैफानायसै

अब्ला बिमाया बुंनायसै-नंगौ, नोंनानो थारमोन। नों बुंनायखौ मानियोमोनब्ला दिनै बे बायदि जानाय नङमोन। दिनैनिफ्राय आं आंनि फिसाजो सानैखौ बे बायदि खाफाल खालामनाय नंला। आंहाबो थानो हायाखैसै रमायनाखौ नुनानै आं मादैनाव सोंबाय अनसुलियालाय मादै। मादैया खोन्थानायसै बै नआव दङ बिमादै उन्दैजों। आं न' सिडाव हाबहै नायसै। अनसुलिया आंखौ नुनानै बुंनायसै-मादै आं सोंनायसै नों आंखौ सिनायो? अनसुलि मानो सिनाया आया जेब्लाबो नोंनि बाथ्रा आंनो खोन्थाबाय थायोमोन आरो नों बादि जानो थिनो। 6 बोसोर बैसोनि गथ'नि खुगायाव बेबादि राव खोनानानै आंहा जोबोर अनखानाय फैदों बनि फासैं। अनसुलिनि महारा बिमा बायदिथार। आं सानदोंदि रमायनाया गोमायाखै आंजों लोगोआवनो दङ अनसुलिखौ नुनानै। आं अन्नयजों अनसुलिखौ खुगाजों फांनै खावलायाव सबासब खुदुमनानै बिलिरनायसै।

बासुगाव-रजा सोरांआव सानथामनाईः 2१९थि पन्चम दौल फोर्बौ खुंनो साखा-फारा

चिरां जिल्लानि बासुगाव सहरनि 3नं वार्डआव थानाय जारिमिनारि श्री श्री रजा ठकुर दौल मन्दिरआव १थि सानखालि फुङव थासरिखौ साखोन–सिखोन खालामनाय, दौल मन्दरनि फिर्फिला बिहोनाय, गोसोखां मान बाउनाय, बिफां फुलि गायनाय आरो मोनाबिलियाव बोसोरारि फुजा सिबिथाइ बाउगोन। नैथि सानखालि फुङव बोसोरारि श्री श्री पन्चमि फुजाआ जागायजेनगोन। सिबियारि रइजो–रजाफोरनि गेजेरव जुथायै फुजा सिबिथाइ आरो मोनाबिलियाव फावथिना दिन्थिनाय, हारिमुवारि हाबाफारि खुंनाय जागोन। दौल फोर्बौनि हाबाफारि बायदियै थामथि सानखालि एबा थुंगेनाय सानखालि फुङव जुथाइ गोथार जानाय, सान्जौफुआव श्री श्री रजा ठकुर सुवेरि फोर्बौ खुंगोन, मोनाबिलियाव प्रसाद गथायनाय आरो हरआव देंखो हाबाफारि लानाय जागोन। सानथामनि हाबाफारिखौ जाफुंहोनो थाखाय आधिखालाव गंगा चरन दासखौ आफदगिरि, रजेन रयखौ लेङइ आफदगिरि, हेमन्त कुमार रयखौ नेहाथारि महैरै श्री श्री रजा ठकुर दौल मन्दिर, दौल फोर्बौ बान्जाय आफदखौ दानाय जाबाय। सानथामनि हाबाफारियाव रइजो–रजाफोरखौ नुजाथिफैनानै हेफाजाव होनो बान्जाय आफदआ खावलायहरदों।□

एबसुनि 5७ थि बोसोरसालिया जथुम्मायाव गिबि मन्थ्रिया बाहागो लादों

एबसुआ हारिनि गासै जौगाथायनि थाखाय बाउसोमनानै दं। बड'फा उपेन्द्रनाथ ब्रह्मखौ मान बाउनानै ऊ शर्माआ बुडोदि बिथानि दैदेननायाव बर' हारिआ गाव–खुंथायनि नोजोरखौ आवगायहोदोंमोन। बे नोजोरजों गोरोबलायनानै, २०२० मायथाइयाव गाहाय मन्थ्रि नरेन्द्र मदि आरो मिरु नख'र मन्थ्रि अमित शाहनि दैदेननायाव मोनसे गोजोन गोरोबथायाव सागान होनाय जादोंमोन, जाय एबसु, एनडिएफगि आरो बर' हारिनि थान्दैफोरखौ ज' खालामदोंमोन। ऊ शर्माआ बुंवावदि, गोरोबथायाव सागान होनायनि उननिफ्रायनो, सरकारा बर' हारिनि जौगाथाय आरो दावगाथायनि थाखाय नाजाबाय थोंदों। गिबि मन्थ्रिआ फोसावोदि सरकारा कक्राझार मुलुग सोलोंसालिखौ मोनसे आबुं मुलुग सोलोंसालियाव सोलायनो थाखाय गोनांथार राहा लागसिनो दं, जाय बर' हारिखौ गोदान मेलेमाजिवि गोहो होगोन। बिथाङ बुंवावोदि, उदालगुरियाव बड'लेण्ड मुलुग सोलोंसालिनि मोनसे गोदान केम्पास गायसन्नाय जागोन। बेजों लोगोसे, बिथाङ खोथा होयेदि फैगौ थाम बोसोरनि गेजेराव उदालगुरिआव गंसे गोदान मेडिकेल कलेजनि खामानिया जागायजेनगोन। गेलेफु आरो कक्राझारनि गेजेराव थांखि लानाय रेलवे लाइनखौ मख'नानै गिबि मन्थ्रिआ बुडेदि बे फोनांजाव मावथांखिया बड'लेण्ड हालामाव गोनांथार समाजारि–रंखान्थियारि सोलायनाय लाबोगोन। बिथाङ मख'बावोदि एबसुजों सावरायनानै बर' रवखौ गोजौखिन गेजेरार थाखोआव सोलेंथायनि बिजों महैरि सिसननो राहा लानाय जादों, जेराव ग्रेजुवेट थाखोसिम मयुनाव बरानयनो बिथांखि लानाय जादों। आसाम आयेन आफादव फोसावनाय मोनसे फोसावथायखौ बुंफिनानै बिथाङ बुडोदि बड'लेण्ड हालामनि गं ३५ गोजौसिन गेजेरारि फरायसालिफोरखौ मडेल गोजौ फरायसालि महैरै जौगाहोनाय जागोन। बेजों लोगोसे, बिथाङ फोसावोदि बे बोसोरनि अक्ट'बराव मुलुगनाडैः दोरोडरि मोसानाय महरफोरखौ फोसावनो थाखाय गुवाहाटीनि सरस्जाइ स्टेडियामाव ८,००० निफ्राय १०,००० लाइमोन हौवा–हिन्जावफोरनि बाहागो लानायजों बागरुम्बा आरो बरदैसिखला मोसानाय महरफोरखौ लाफनानै मोनसे गिदिर हारिमुआरि दिन्थिफुंथाय खुंनाय जागोन। बिथाङ १,२०० मेगावाटनि गोदान मोब्लिब दिहुन्थाय प्लान्ट गायसन्नायजों लोगोसे बड'लेण्ड टेरिटरियेल ओन्सोलनि समाजारि–रंखान्थियारि जौगाथायनि फासरे सरकारनि नाजाबाय थानायनि सायावबो फोरमायों। गिबि मन्थ्रिआ फोरमायोदि एबसुनि खावलायनाय बायदियै बड'फा उपेन्द्रनाथ ब्रह्मनि जोनोम सानखौ ३१ मार्चखालि फरायसा सान महैरै राइज्योनाडैनो फालिनाय जादों। बेनि अनगायैबो, बिथाङ फोसावोदि राइज्यो सरकारा दतमायाव बड'फानि फबनाय थावनिखौ मोनसे राइज्यो–थाखोनि गोसोखां खाम्फा महैरै गनायथि होनो थिरांथा लादों, जेराव बेरखौ समायना खालामनाय आरो जौगाहोनायनि बिथांखिफोर दं। बेजों लोगोसे, बड'फा उपेन्द्रनाथ ब्रह्मनि रंसारि सानखौ गोसोखानानै आसाम सरकार आरो बिटिसि खुंथाया बोसोर्फेमबो १ मे फालिगोन होनना बिथाङ बुंथियो।
ऊ शर्मा, बर' गोजोन गोरोबथाखौ आबुडेमावफुनो थाखाय सरकारनि रदाइखौ फिन खेबसे रयखांफिनो। बिथाङ बुडोदि, गोरोबथानि उनाव, गोदान गामिफोरखौ बड'लेण्ड टेरिटरियेल ओन्सोलाव सोफादेरनाय जादों। बिथाङ मख'योदि बर' रवनि थाखाय मोनसे बिथोंनगिरिख' गायसननाय जाबाय आरो बिटिआरनि बायजोआव थानाय बर'फोरनि थाखाय बर'–कचारी अन्साइ गावखुंथाय हायुंखौ दानाय जाबाय। सनितपुर आरो बिस्वनाथ बायदि जिल्लाफोराव बर'फोरनो हानि मोनथाय होनो थाखायबो राहा लानाय जादों होन्ना बिथाङ बुडे। मोनसे जारिमिनारि माइल खुन्थियाखौ नोजोर होनानै ऊ शर्माआ बुडोदि १७ फेब्रुवारियाव गिबि खेबनि थाखाय कक्राझारआव आसाम आयेन आफादनि मोनसे जथुम्मा खुंनाय जादोंमोन। बिथाङ गावारि–खुंथायखौ रोखा खालामनो आरो बर' सुबुंफोरनि मोनथायफोरखौ फोथाना लांछोनो थाखाय सरकारनि रदाइखौ रोखा खालामो। बिथाङ बुंवावोदि बिथाआरखौ जौगानाय, गोजोन आरो दावगानायनि ओन्सोलाव सोलायगोन। बे हाबाफारियाव आवाद बिफाननि मन्थ्रि अतुल बरा, आखाइ इसानआरो जि बिफाननि मन्थ्रि उर्खाव गोर ब्रह्म, सावस्त्रि आरो नख'र अन्साइ बिफाननि मन्थ्रि अशक सिंघाल, आसाम बिधान सभानि बुंथिगिरि बिस्वजित दैमारी, बिटिसिनि गहाइ मावफुं सोद्रोमा प्रमद बर', बिजेपिनि आसाम प्रदेशनि आफादगिरि आरो एमपि दिलिप शइकिया, एमपि जयन्त बसुमतारि आरो रेनगोर नाजरी, कार्बि आंलं गावखुंथाय गौथुमनि गाहाय मावफुं सोद्रोमा तुलिराम रंहं, बे जथुम्मायाव एबसुनि आफादगिरि दिपेन बर', बर' थुनलाइ आफादनि आफादगिरि सुरथ नाजरी आरो गुबुन गुबुन मुर्तंखा सुबुंफोर बाहागो लायो।□

एबसुनि ५७थि बोसोरसालिया जथुम्मा

बिबुंथियाव जागायजेनबाय। बर' हारिखौ दानायाव एबसुनि बिहोमा दइ; एबसुनि थाखायनो बिटिआर रदायआ जाफुंसारदों। एबसुनि अनगायै बिटिआरआव गोजोनअ जाथावना नङमोन। बड'फा उपेन्द्र नाथ ब्रह्मनि मुङव गोदान दिल्लीआव दोंसे लामाखौ मुं होनाय जागोन। बे लामायाव बड'फानि मुसुखा गायसंनाय जागोन। बिटिआर रदायनि उनाव बड'लेन्डआव जौगाथाय फैदों, बड'लेन्डनि जौगाथायनि खौराङ दिल्लीसिम थानांगोन। गहाइ मन्थ्रि नरेन्द्र मदि आरो गिबि मन्थ्रि ऊ हिमन्त बिश्व शर्मानि दैदेननायाव बड'लेन्डआव जौगाथाय फैदों। गेवलां मेलआव नख'र मन्थ्रि अमित शाहआ बर' सोमावसारनायनि ५,००० मुंख्ंफोरखौ गोसोखानानै मान बाउदों। अमित शाहआ लोगोसे बुंदोंदि, २०२० बिटिआर रदायखौ कंग्रेसआ लाजिफोनदों। बड'लेन्डआव गोजोन दाफुंनयाय जाथावना नङ होन्ना बुंदोंमोन कंग्रेसआ। आथिखालसिमाव रदायनि ८२ जौखोन्दो खामानिआ आबुं जाबाय। फैगौ २ बोसोरनि उनाव बिटिआर रदायआ १०० जौखोन्दो मावफुं जागोन। आथिखालाव बिटिआरनाडैः आफसपा (एएफएपि)ए आ बन्द' खालामजाबाय। अमित शाहआ बुंदोंदि, जों बिटिआरआव ड्रगन्ड काप खुंबाय, भारतबर्षआव अलिम्पिक खुंजागोन बेयाव बे ओन्सोलनि गेलेगिरिफोर बाहागो ला। बिटिआरनि लाइमोनफोरखौ अलिम्पिकनि थाखाय थियारि खालामनांगौ। बिटिआरआव लासै–लासै उद्यगआरि थासारिया थियारि जाबाय। गोबां बिग्रायारि लाइमोनफोरखौ जोडे गुबै बिथासिम लाबोफिनो हाबाय। सा ३,००० नि बांसिन एनडिएफबिफोरखौ फिन फसंफिनबाय। मोनसे समाव बड'लेन्डआव गुलिनि सोदोबआ गोमखांदोंमोन। बड'लेन्डआव आथिखालाव बर' लाइमोनफोर त्रिरंगा लानानै गिदिंथिडे।□

भवानिपुरआव सानब्रैन हावाफारिजों खुंनाय दौल फोर्बौआ खुंफुंजाबाय

सानब्रैन हाबाफारिजों खुंनाय श्रीकृष्णनि दौल फोर्बौआ दिनै दोरोडरि खान्थिजों थुंगेफयो। मख'नो गोनांदि, भवानिपुर, कलबारि, कदैगुरि, कुरबाहा, सरुपेटानि अजासास्तर, सापारबरि, भालागुरि बायदि जायगाफोराव खुंनाय दौल फोर्बौनि जोबथा सानखालि आबिरजों हलि गेलेनानै रइजा–रजाफोरा रंजायो। गोदो–गोदायनिफ्रायनो सानसेनि हाबाफारिजों भवानिपुर ओन्सोलनि गामि–गामि रइजो–रजाफोरा जथायै दौल फोर्बौ फालिबोदों। भवानिपुर सट्आव दिनै सानजौफुयाव भकत–आइजोफोरनि सानफ्रोमबोनि आर'ज, गसाइ फुजिनायनि उनाव गसाइखौ दौलनिफ्राय बोख्छ्लायनाय जायो। फुनि १० रिगानिफ्राय सत्रनि लांगोनायाव भवानिपुरनि शंकरदेब शिशु निकेतननि फोरोंगिरि, मावफारिया, फरायसाफोरजों लोगोसे दक्षिनहाति, माहतलिहाति, पुबहाति, नहातिनि गासै गोबां रइजो–रजाफोरा ज' जानानै हलिगीत रोजाबनायजों फोर्बौथिलिया गोमखाडे। बेलासिनि २.३० रिगानिफ्राय गोबां रइजो–रजाफोरा हलिगीत रोजाबनाय, नाम–किटनजों गसाइ लानानै ओन्सोलाव हान्जा सुजे। ४ रिगानिफ्राय कैहातिनि धुलिया हान्जानि महरगिरिफोरा धुलिया हारिमुखौ दिन्थिफुडे। हरनि समाव सत्रिया हारिमुवारि हाबाफारिजों लोगोसे देंखो मोनाबिलि हाबाफारि खुंनाय जायो। गुबुन फासेंथिं, जारिमिनारि कलबारि गामिनि श्रीश्री रामचरन ठाकुर आता सत्रआव खुंनाय सानब्रैन दौल फोर्बौनि दिनैनि जोबथा सानखालि गोबां रइजो–रजाफोरा हलिगीत रोजाबनायजों गसाइ लानानै हान्जा सुरे। गासै ५ किल'मिटर जान्थायसिम हलिगीत रोजाबना गसाइ लानानै रइजो–रजाफोरा हान्जा सुरे। लोगोसे सत्रनि लांगोनायाल हौवा–हिन्जावफोरा ज'–ज'यै हलिगीत रोजाबनानै सत्रखौ गोमखांहोयो। कदैगुरि, भालागुरि, कुरबाहा, अजासास्तर, भालागुरिआबो दिनै आलादा–आलादायै गसाइ लानानै हान्जा सुरुनानै सानब्रैन हाबाफारिजों खुंनाय दौल फोर्बौखौ थुंगेहोयो।□

धुबुरिआव श्रम बिफाननि हेंथायै ओन्सोलनि फालांगिरिफोरा सोमावसारदों

दाबि दैखानानै बुडोदि, गेदेर–गेदेर सर्पि मलफेर फेबो रोखोमनि हेंथा गैया लासेनो बेखेनो होदों। सरकारनि बे बायदि हाबाया गेदेर फालांगि फसंथानफोरखौ मोजां खालामनयनि सोलायै फिसा फालांगिरिफोरनि सायाव गात्रि गोहोम खोख्लेदों होन्नानै फिसा फालांगिरिफोरा खुद्रिखाडे। सोमावसारगिरिफोरा बिबानगिरिनि आइनआरि बाहायथाय आरो गेर्बेथिनि दाबि खालामदों। अदेबानि बे अजदनि सोमोन्दै दासिमबो खुंथाया जेबो रोखोमनि गोर्नाथि होयाखै।□

एबसुनि गोदान मावफुं आफाद दाफुंनायखौ देनथ'बाय

रेंग'थिजों आफादगिरिनि गोनांथार बिबानखौ लाखिलांनो आरो एबसुनि गेजेरव थानानै बिटिआर गोरोबथा आरो बर' हारिनि जेंनाफोरखौ सुस्त्रांनायनि शार्थआव एबसुखौ गोख्रोडे दैदेननायनि थाखाय सिगांनि आफादखौ लाखिफिननायनि थांखि लायो। मख'नो गोनांदि, एबसुनि दतमा जथुम्मानिफ्राय एबसुनि आफादगिरि दिपेन बर'जों लोगोसे माखासे दैदेनगिरिफोरा आफादनिफ्राय आजिरा लानानै राजखान्थियाव हाबनायनि गोसो जानायल' नङ, बिटिसि बिसायख'थियाव बाहागो लानायनिबो सिमां सुजुदोंमोन। नाथाय दतमानि जथुम्मानि थान्दै मेलाव माखासे जिल्ला आफादफोरा फरायसा आफादआ दिपेन बर'नि बायदि गोख्रों दैदेनगिरिनि गोनांथिखौ मोन्दांथिनायाव सिगांनि मिरु आफादखौ दानसेनि थाखाय लाखिफिननायाव सरसनस्त्रायै राजखान्थियाव आगान होनो हास्थायनाय दैदेनगिरिफोरनि मिर्जिंथिनायाव दै गुलु सुनानै होदों होन्नानैबो सावरायसोदों। बिटिसि बिसायख'थिनि सिगां एबसुनि गोदान मावफुं आफादखौ दाफुंनाय जागोन ना जाया बेयो फैगौ समाव नोजोर होथावना जागोन। गुबुन पार्सेथिं, एबसुनि दतमा जथुम्मायाव फिन दानसेनि थाखाय एबसुनि आफादगिरि मासियाव लाखिफिननाय थांखिन सोमोन्दै आफादगिरि दिपेन बर'आ बुडोदि, थान्दै मेला गोसो–गोर्बौजों बिथांखौ फिन आफादगिरिनि मासि लानायखौ नागिरिफिन्दों। बिथांमोननि बे मिर्जिंथिनाय आरो खावलायनायखौ बिथाङ मान होदों। नाथाय बेयाव जेबो बुंनांगौ गैया। गोदान आफाद आरो गोदान दैदेनगिरि फैनांगौ होन्नानै बिथाङ बुडे। एबसुआ जेबो जाहोनावनो लोरबां नङ, एबसुखौ गोख्रों खालामनानै दावगालांहोगोन होन्नानै दिपेन बर'आ बुडे। बिथाङ बुंवावोदि, जथुम्मानि थान्दै मेलाव जिल्ला आरो दरखानि खावलायनायनि फासै नोजोर लाखिगोन आरो बिथानि बाश्राफोरनि सायाव बिसरो नोजोर होयो। बेनि गेजेरवनो सुस्त्रांनाय दिहुन्नो नांगोन होन्नानै बिथाङ बुडे। बिटिआर गंरोबथांनि गासै दफफाफोरखौ फैगौ २ बोसोरनि गेजेराव मावफुंजोबगोन आरो हादतनि राजखान्थि दिल्लीनि दोंसे लामाखौ बड'फा उपेन्द्रनाथ ब्रह्मनि मुडै दोन्नो नख'र मन्थ्रिआ दिनै फोसावनायाव एबसुआ गोजोन्नाय फोरमायनानै मिरुनि नख'र मन्थ्रि अमित शाहनिंसिम बर' रइजो–रजाफोरनि फोथायनाय दं होन्नानै दिपेन बर'आ बुडे। गुबुन फासेंथिं, एबसुनि मिरुनि गहाइ नेहाथारि खनिन चन्द्र बसुमतारिआ थान्दै मेला क्वालिटि इडुकेसन मुभमेन्ट २०३० सिम सालायलांनायनि मोनसे गोनांथार थांखि लादों होन्नानै मिथिहोदों। अदेबानि एबसुआ दिनै नख'र मन्थ्रि अमित शाहनि दावबायफनायखौ गहाइ थांखि महैरै लानायाव समनि आंखालनि जउनाव थान्दै मेलखौ आबुं खालामनो हायासै होन्नानै फोरमायो। बे बिथिङव एबसुनि मिरुनि गोदान आफादखौ दाफुंनायनि बिथिङव फैगौ समाव सान्नाय–हनाय खालामनानै दाफुंनाय जागोन होन्नानै बिथाङ मिथिहोयो। मख'नो गोनांदि, दतमानि बड'फा फोथाराव दिनै खुंफुंजानाय एबसुनि ५७ थि मिरुनि बोसोरसालिया जथुम्मायाव एबसुनि दर २२ जिल्ला आफादजों लोगोसे मोन २२० दखरा आफाद, गुबुन–गुबुन फरायसालिमा, मुलुगसोलोंसालिनि इर्डनिति फासै ७ रेजानिबो बांसिन थान्दै आरो नायगिरिफोरा बाहागो लायो।□

बर'लिरगिरिआफादनि जिउां सोद्रोमानि मेल खुंदों

फरायथियो। मेलाव मुम्बाइ बर' माहारि अन्साइ आफादनि बिबानगिरि, मुम्बाइआव साखिआवला लिरगिरि, मुम्बाइनि गुबुन गुबुन सोलेंथाइ फसंथाननि फरायसा, आसामनिफ्राय थानाय गोबां थुनलाइगिरिफोरा बाहागो लायो। मेलाव बर' थुनलाइखौ मुलुग दरबाराव सिनायथि होनो थाखाय साफ्रोमबो बर' लिरगिरिफोरा आखा–फाखा बाहागो लानो खावलायहरो।□

सुबनखातायाव हाग्रानि मैदेरनि

गाग्लोबनायाव सासे सुबुनि जिउ गोमादों

ओन्सोलाव हाबफैनाय हाग्रानि माब्रै मैदेरनि फालोया फुंबिलि समाव हेम राभाखौ गावनि न'नि सिथलायावनो हरखाब गाग्लोबनानै जिउ फोजोबो। गामियारि रइजो–राजाफोरा जाथायनि सोमोन्दै फोरमायनाय बायदिब्ला फुंनि समाव मैदेर फैनायखौ सिगांग्रो जेबो गुगुरु मोनैलाय गुबुन सानफोरनि बायदिनो हगारनानै होनाय सारोन मोसौ फैदों होन्नानै हेम राभाया होसोहरनो थाखाय बिसनानिफ्राइ सिखारना सिथलायाव ओंखारलांदोंमोन। नाथाय बे समावनो न'नि बारियाव सिगांनि समनिफ्रायनो हाबफैना थानाय हाग्रानि मैदेरा हरखाब होसो बोनानै हेम राथानि सायाव गाग्लोबनानै जायगायावनो जिउ फोजोब लांडे। जाथायथिलियाव सुबनखाता हाग्रा मावख'नि मावफारियाफोरा नुजाथिफैनानै खौरां लानायजों लोगोसे बागानपारा पुलिस थानानि पुलिस हान्जया गोथै सहखौ बोखानानै मुसलपुराव थानाय डः रबि बर' देहा फाहामसालियाव पर्ट मर्टेम आन्जादनि थाखाय दैथायहरो होन्नानै मिथिनो मोन्नाय जादों।□

चिरां जिल्लानि बेंटल गोजौ फरायसालिनि गायसनगिरिआरो आजिरा

मोनाय गहाइ फोरोंगिरि रुपनाथ बसुमतारिनि रंसारि

नाजानाया बर' हारिनि दोरोडरि बाथौ धोरामखौ रैखाथि होनाय आरो बाथौ धोरोमारि बर' हारिनि सुबुंफोरखौ ज' खालामनो बिथानि नाजानायाव दुलाराइ बाथौ गौथुमनि बायदि धोरोमारि आफादा जोनोम मोन्दोंमोन। बे आफादनि बिथाङ गायसनगिरि आफादगिरि महैरै सायख'जादोंमोन। बेनि अनगायैबो बिथाङ बर' थुनलाइ आफाद, एबसु बायदि गुबुन गुबुन बर' माहारिनि दोलो–आफादफोरखौ नांथावनानै खामानि मावदोंमोन। बिथाङ सासे लिरगिरिबोमोन, बिथाङ माखासे बिजाब लिरनानै सेबखांदोंमोन। जायनि थाखाय बिथाङ बर' थुनलाइ आफादनिफ्राय मान होजादोंमोन। दिनै बेलासियाव बिथानि रंसारि जानायनि खौराङ गोसारनायनि उनावनो बेंटल ओन्सोलाव दुखुनि सायख'सागलोबो। गोबां नख'रनि सोद्रोमा, बाय–बाहागी, गहाम अन्साइगिरिफोरा बिथानि न'याव ज' जायो आरो जोबथा मान बाउवो। रुपनाथ ब्रह्मर् थैनायाव चिरां जिल्ला बर' थुनलाइ आफाद, चिरां जिल्ला एबसु, चिरां जिल्ला दुलाराइ बाथौ गौथुमनि अनगायैबो गुबुन–गुबुन दोलो–आफादनिफ्राय गोथौ दुखु मोन्नाय फोरमायहस्त्रायजों लोगोसे दुखुथिया नख'रनिंसिम समानै दुखु मोनफानाय फोरमायहरो। थैनाय समाव बिसि, सानै फिसाज्ला, आरो सानै फिसाजो–बिहाममन्थि अनगायैबो बिजामादे आरो फिसौफोरजों लोगोसे गहाम अन्साइगिरिफोरेखौ बे संसाराव अरायनि थाखाय एंगारलाडे। गोब'रनि सुबुङा फोरमायनाय बादिब्ला गाबोन एबा १७ मार्चखालि रंसारि रुपनाथ बसुमतारिनो दोरोहारि नेम–खान्थिनि गेजेरजों जोबथा मान बाउनाय जागोन।□

एबसुनि ५७ बोसोरसालिया जथुम्माया थुंगेबाय

हारिमुवारि हाबाफारि खुंनाय जायो। फासेंथि दिनैनि गेवलां मेलखौ लानानै फुंनिफ्राय बायदि जान्थायनिफ्राय फैनाय रोजा–रोजा रइजो–रजाफोरा मेल खुंनाय जायगायाव बाहागो लाफैनायखौ नुनो मोन्नाय जादों। मख'नो गोनांदि, दिनेनि गेवलां मेलआव गहाइ आलासि महैरै हादतनि नख'र मन्थ्रि अमित शाहआ बाहागो लाफैदों। जारिमिनाव गिबि खेबनि थाखाय एबसुनि जथुम्मायाव बाहागो लाफैनाय मिरु नख'र मन्थ्रिखौ एबसुनि दैदेनगिरि आफाद आरो बिटिसिनि गहाइ मावफुं सोद्रोमा प्रमद बर'आ बराय मान बाउयो। बेनि अनगायैबो जौसाङव रइज्योनि गिबि मन्थ्रि ऊ हिमन्त बिश्व शर्माखौ मान बाउदों। मख'नो गोनांदि, एबसुनि ५७थि बोसोर सालिया जथुम्मानि थान्दै मेलआ फैगौ २ बोसोरनि माव बिबाननि थाखाय गोदान आफादगिरिजों लोगोसे आफादनि गोदान बिबानगिरि सायख'नायखौ लानानै बाश्रा सावरायज्जलायनाय जादोंमोनब्लाबो, मिबथि मोन्नाय बायदियै जोबथा थान्दै मेलआ आजावनानै लानाय गुबुन गुबुन थांखिलाइफोरनि माखासे थांखिलाइफोरखौ समनि ओंखालाव गनायथिनाया फेलें जादों आरो गोदान आफाद दानो हायाखै होन्ना मिबथि मोन्नाय जादों। बेनिथाखाय एबसुनि फैगौ माव बिबाननि थाखाय गोदान आफादखौ दानाय जायाखैब्लाबो दानसेनि गेजेरवनो एबसुनि गोदान आफादखौ दानाय जागोन। बेबायदि बिथिङव थान्दै मेलआ मोनसे गोनांथार थांखिलाइखौ आजावनानै गोदान आफाद दाफुंजायैसिमाव गोजाम आफदनो मावफुंखामानिखौ मावफुंत्त्रांनायनि बिबान होदों होन्ना मिबथि मोन्नाय जादों। बे बिथिङव एबसुनि आफादगिरि दिपेन बर'आ फैगौ दानसेनि गेजेराव थान्दै मेल खुंगोन आरो बे थान्दै मेलआव थांखिलाइफोरखौ गनायथिनायजों लोगोसे गोदान आफादखौ दानाय जागोन होन्ना मिबथि होदों। लोगोसेनो इयुननि थान्दै मेल खुंजायैसिमाव गोजाम आफादनि मावफुं बिबानखौ बांहोनायनि थांखि आजावनाय जादों। जारिमिनाव गिबि खेबनि थाखाय एबसुनि जथुम्मायाव मिरु नख'र मन्थ्रि अमित शाहआ गहाइ आलासि महैरै बाहागो लाफैदों। मख'नो गोनांदि, एबसुनि दैदेनगिरिफोरा नख'र मन्थ्रिआ दिनै रोजा–रोजा रइजो–रजाफोरखौ १२५ एमेन्टेमेट्नि सोमोन्दै मोनसे मोजां खौरंखौ बड'फानि गोथार जोनोम जायगायाव बड'लेन्डनि थागिरि रइजो–रजाफोरेनो गथायगोन होन्ना एबसुनि दैदेनगिरिफोरा मिर्जिंथिदोंमोनब्लाबो नख'र मन्थ्रिआ बेनि सोमोन्दै जेबो बाश्रा मख'याखै। नाथाय नख'र मन्थ्रिआ बेनि सोमोन्दै जेबो बिबुंथि होयाखैब्लाबो बिथानि बिबुंथियाव गोजोन्नाय मोन्दों होन्ना एबसुनि आफादगिरि दिपेन बर'आ खौरं बिजौनि सिगाङव फोरमायदों। बेनि सोमोन्दै फरायसा दैदेनगिरिआ नख'र मन्थ्रिनि बिबुंथियाव जेसेबां बिबुंथि लाखिदों बेनो थोजासे होन्ना मिबथि होन्नानै बुंदोंदि, बर' हारि एबा एबसुआ बर' हारिनि जौगाखानायजों लोगोसे आरो बिटिआर रदायनि दफाफोरनि आद्रा थानायफोरखौ फैगौ २ बोसोरनि गेजेरवनो मावफुंनायनि समायखिरा आजावना लादों, बेखौनो जोडे गोजोन्नाय मोन्दों होन्ना मिबथि होयो। बेनि अनगायैबो बड'फा उपेन्द्र नाथ ब्रह्मआ बर' हारिनि जौगाथाइनि थाखाय थांखि लानायखौ नख'र मन्थ्रि अमित शाहआ मावफुंनो थियारिफराव दइहोन्ना फोसावनाया मोनसे मख'जाथव थांखि होन्ना फोरमायदों। मख'नो गोनांदि, एबसुनि आफादगिरि दिपेन बर'आ फैगौ दानसेनि गेजेराव एबसुनि गोजाम आफादखौ सिमफायनानै गोदान आफाद दानाय जागोन होन्ना फोरमायना होयो आरो लोगोसेनो बिथाङ फैगौ २०३० माइथायसिम गुन गोनां सोलेंथाइनि थाखाय बायदि थांखि आजावलोगोन, बर' हारिनि जौगाथायनि थाखाय बायदि बिथिङव खामानि मावलगोन होन्ना बिटिआर रदायनि गासैबो दफाफोरखौ मावफुंनो थाखाय सरकारनिंसिम खावलायो। लोगोसेनो एबसुनि मावफुं आफादनि मावफुं समखौ २ बोसोरनि सोलायै ३ बोसोरारि खालामनायनि थांखिलाइ आजावनाय जादों होन्ना बिथाङ फोरमायदों। बिथाङ फैगौ थान्दै मेलआव थांखिलाइफोरखौ गनायथिनाय जागोन होन्ना मिर्जिंथिदों। दिनै नख'र मन्थ्रि अमित शाहजों जयै एबसुनि मिरु आफादनि ५७थि बोसोरसालिया जथुम्मानि गेवलां मेलआव गिबि मन्थ्रि ऊ हिमन्त बिश्व शर्माआबो बाहागो लाफैनानै बिटिआर रदाय, गोजोन सोरजिनाय आयदाखौ लानानै बिबुंथि होदों। गुबुन फासै बिटिसिनि गहाइ मावफुं सोद्रोमा प्रमद बर'आ बिटिआर गोजोन रदायनि गेजेरजों गोजोनआ दाफुंजानायनि थाखाय बे रदाय मुंसाइलायनायाव थांखि आजावनाय गहाइ मन्थ्रि नरेन्द्र मदि आरो नख'र मन्थ्रि अमित शाहखौ साबायखर बाउदों। बिथाङ दुलाराइ बर' फन्त्रयसा आफादआ बर' हारि जौगाथायनि थाखाय आरो गाव सामलाइथायनि थाखाय जेब्त्रायबो बाहागो लाबोदों होन्ना फोरमायनानै बड'फा उपेन्द्र नाथ ब्रह्मआ बर' हारिनि जौगथाइनि थाखाय सिमां नुनायखौ एबसुआ मावफुंनायनि थाखाय खामानि मावबोदों आरो मावफुंलांबाय थागोन होन्ना बुडे। मख'नो गोनांदि, दिनेनि गेवलां मेलआव बाहागो लाफैनाय फारियै आसामनि गिबि मन्थ्रि ऊ हिमन्त बिश्व शर्मा, बिटिआरनि गहाइ मावफुं सोद्रोमा प्रमद बर', आसाम बिधान सभानि बुंथिगिरि बिस्वजित दैमारि, लकसभानि एमपि रेनगोरा नाजरी, केबिन्ट मन्थ्रि उर्खाव गोर ब्रह्म, अतुल बरा, अशक सिंघाल, बिजेपिनि राइज्योआरि आफादगिरि दिलिप शइकिया, कार्बि आंलं अट'नमास कार्डन्सलनि गहाइ मावफुं सोद्रोमा तुलिराम रंहं। माखासे एमएलएफोरजों लोगोसे बिटिसिनि माखासे मावफुं सोद्रोमा आरो एमसिएलएफोरनि अनगायैबो बर' थुनलाइ आफादनि आफादगिरि सुत्त नाजरी, बर' कचारि अट'नमास कार्डन्सलनि गहाइ मावफुं सोद्रोमा मिहिनिस्वर बसुमतारिनि अनगायैबो इडपिएल दोलोनि गोजौ थाखोनि दैदेनगिरिफोरजों लोगोसे गुबुन गुबुन आफाद फसंथाननि दैदेनगिरिफोरा बाहागो लाफैदों।□

राइज्यो बेंगिरिया माहारियारि रैखाथि आरो सिमना सामलायनायनि सायाव सेमिनारनि जोबथा हाबाफारियाव बाहागो लादों

प्रान्तजों जयै खुंजानाय, सिमना रैखाथिजों सोमोन्दो थानाय गोनांथार आयदाफोर आरो गोहोम गोनां सिमना सामलायनायनि थाखाय गोनां आयेनारि फ्रेमवारकनि सायाव नोजोर होयो। गावनि बिबुंथियाव, राइज्यो बेंगिरि आचार्यआ बुडोदि सैथो आरो न्यायनि बेसेनफोरा हादरनि सिमाफोरखौ रैखाथि होनाय आरो हादतनि जौगानायखौ रोखा खालामनायनि गोर्नाथिजों गोरोबलायो। ‘‘भारतनि गोहो होनायाव बिहोमा होनो थाखाय सेमिनारआव सावरायनाय जादों आरो थारैनो गोदान सानस्त्रिफोर सोमजिहोगोन जाय रैखाथिनि थाखाय जौंनि नोजोरखौ महर होगोन’’ होन्नानै आचार्यआ बुडे। बिथाङ सेमिनारनि गोर्नाथिखौ नोजोर होनानै बुडोदि भारतनि ‘जौगानाय भारत' नि नोजोर आरो संबिजरनि ७५ बोसोर गोसोखां फोरबोआ सिमा रैखाथिनि सायाव सावरायनायनि थाखाय मोनसे मोजां आयद। राइज्यो बेंगिरिया बुंवावोदि भारतनि सिमनाफोरा हादतनि रैखाथि आरो जारगोराथिनि थाखाय गोनांथार। बिथाङ सिमना आयेनफोरखौ थि खालामनो थाखाय मोनसे गुवार आयेनारि दाथायनि

